

安義縣志
卷首

EM 25019
38
1~8

同治十年重脩

安義縣志

序



嘗攷邑之有志猶國之有史志也者志也
舉凡縣中之山川人物沿革廢興與夫文書
風俗戶口賦役無不備舉而畢誌上以備輔軒
之採下以主友師之程志之所繫大矣哉安
義自建邑以來前明督學憲副周公景妻
日刊陳士瑞黃生昌宗張生燿肇修志乘

安義縣志

卷之首

序

而未就緒迨嘉靖己未高賓三所府知物事
謀集邑之名宿開局纂訂志之規模拾塵靡
具焉至

國朝康熙十二年癸丑陳佃庵明府慨志疏

缺占沈懋廣學情共纂之嘉慶二十三年
戊寅張西屏明府蒞任重為修輯惜甫脫
稿未及付梓遂解組去迄今世遠代湮幾

及二百年之久其間人才豐畜物產豐實
民俗朴華庶務損益幾至釐訂難周况
值兵燹之後地方之完散軍務之始終以
及草野忠貞閨門節烈義夫孝子奇
才多能若不訪查撰述既無以光泉壤而慰
忠魂亦不足以昭慎重而資考核同治庚
午余承乏未蒞適

安義縣志

卷之首

序

大府劉中丞奏請纂修江西通志刊發
章程通飭各屬一體遵辦履任後進邑
人士而商之會謂當務之急爰核季夏之吉而開
局纂輯彙為十集分為十六卷閱八月而
告成今而後條分縷晰綱舉目張于地理則
因革而悉于建置則城廡井然于食貨則
征後已均于學校則倫常以淑于武備則

軍制獨嚴于戡夷刑政治足法于選舉知
登進有階于人物別名實相稱于藝文刑
文獻有徵于彙類別祥異悉載志之所察
誠大矣哉余之序之亦欲使後之君子知志
成于百數十年廢闕之悔祝枉者為信謹
于石備徇之私游移之見師心之智皆務
絕去區或苟且附會欺後人耳目也是為序

安義縣志

卷之首

序

告

同治十年歲在辛未孟春之望知安義
縣事金陵杜林謹撰



序

周禮大宗伯之屬有內史外史掌四方邦國之志以稽其土地風俗物產貢賦大司馬有職方氏掌天下之輿圖形方氏辨九土之封域又古天子歲遣輜軒之使採山川風土途謠巷議以察民苦樂觀政治盛衰志之為道其合是數者而一以貫之歟安邑五鄉自前明分建版圖至嘉靖己未高公創志於先國朝康熙癸丑年陳公續纂於後迄今已逾三甲子矣適劉峴莊大中丞有通飭修志之命經前邑宰杜獻白賢侯集邑

安義縣志

卷之首

序

紳熊子靜太守與同事諸君悉心擘畫慎始圖終百計籌貲多方採訪闡潛德之幽光煥同文之盛典迨予履任書已告成梨棗方鐫洛陽紙貴其一切規模凡例次第井然杜序極詳且確無庸予再為瑣述竊願學步後塵與都人士互相考鏡云爾時同治辛未暮春下澣之吉

賜進士出身同知銜知縣事長白錫榮謹序



安義縣志目錄

卷首

舊序

舊志姓氏

凡例

纂修姓氏

繪圖

綸音

卷一

地理志

安義縣志

卷之首

目錄

星野

疆域鄉圖市

沿革表附

山川形勝附

水利

津梁埠岸附

古蹟

風俗

物產

卷二

建置志

城池街坊井泉塔樓亭附

壇廟

公廨試院附

寺觀坊表育嬰堂養濟院漏澤園附

卷三

食貨志

戶口 田賦額証蠲緩雜課附

倉儲

漕運

卷四

學校志

學宮

學制

學額學田附

書院院產附

卷五

武備志

兵制

武事

卷六

職官志

文職

武職

名宦

卷七

選舉志

安義縣志

卷之首

目錄

二

薦辟

進士

鄉舉

諸貢附

卷八

仕籍

雜途封典蔭襲鄉飲附

卷九

人物志

名臣

官業

鄉獻

儒林

文苑

卷十

忠義

孝友

善士

卷十一

隱逸

方伎

卷十二

列女 寓賢

卷十三

藝文志

卷十四

藝文志

卷十五

藝文志

卷十六

雜類志

安義縣志

卷之首

目錄

三

仙釋 瑩墓 祥異 軼事

卷末

補遺

安義縣志序

國朝知縣 陳 瑋

邑之乘猶國之史也周禮邦國之志內史掌之復有外史以掌四方則今日郡邑之志是已考古天子十二年一巡朝諸侯陳詩以觀民風而施政教則修志之役未有曠百年不舉者安義以邑名從明武廟剖符迄神廟距四十三年始自爲志乃高公振響後中更百年未聞有過而問者而安義自此竟無志矣余得捧安檄與文山晨夕七載於茲簿書之暇輒謀所以新之而未有間會纂修之令下遂與二三同志踴勉從事考訂異同証彙今昔山川風物盡入網羅清操孤芳悉登紀載始事於十月之朔至十二月遂告成功是役也周子

安義縣志

卷之首

舊序

曰泗當董狐之寄而陳子所佳王子儻相與左右卒業焉昔左邱明以魯人記魯事故尼父之春秋主於約而左氏之傳獨詳杜征南以爲躬覽載籍必廣記而備言之其文緩其旨遠是書成於二三子手其殆邱明之魯史矣乎余竊幸百二十年垂絕之書與余數年來未竟之志得一旦藉手底績以觀厥成蓋幾失之而獲得之者至損益前志參伍他屬畧之綱目已詳凡例功令使然知我罪我不任受也

時

康熙十二年歲在癸丑季冬之望

安義縣志序

儒學 沈懋賡

今上御極之十有一年詔下修大一統志從學士衛公請也時諸邑大夫祇承恐後各以次彙輯成書上之爲郡志爲通志麟麟炳炳成一代太平之書猗歟盛已越明年邑侗菴陳侯以報最之暇偕予及諸士暨鄉先生於學議修縣志爰是開局分曹禮士之負聲望者領之餘各以其材輕重布焉維時高閣凝寒雪花如掌侯慘澹經營不遺餘力芟繁剔蕪纂要鈎元幽光潛德索之離朱網象之間偉伐豐功相之牝牡驪黃之外一時表章所至莫不風霆集其筆端川嶽隱其腕際誠子將月旦所未聞士元風厲所不及者凡百有十日而

安義縣志

卷之首

書序

一一

書成予思尼父因魯史作春秋善善惡惡一本無私無私者天心也是春秋不獨天子之事而實天之事矣蘇武謂域中三大天以下曰若曰史官侯之書史也而其義一奉春秋則君道也而天道出其中焉予不敏無能爲役竊從諸大夫後拜手颺言謂是書也其春秋之遺矣乎於以續紫陽之綱目涑水之資治夫何多讓彼龍門扶風左弭右韃歷媿而前矣僅邑志云乎哉

安義縣志序

邑丞孫愈泰

邑侯陳大夫修縣志成自序之諸先生並序之予漕吏也又
樵少文不敢當執管之役辭弗獲遂忘鄙陋輒從諸君子後
而僭爲之序曰思深哉陳大夫之爲此志也昔司馬遷作史
記說者謂其繼秦燬網羅散失比之孟望漢書其功十倍蓋
言作之難也安義自高公一編去今百有餘年中間風會之
遷移土物之膏瘠田賦之盈縮以及氣運升降人物盛衰之
類不知幾何矣夫以十旬休暇收之縷烟寸草中作者難述
者不易且人物當積薪之勢百年內無慮千指欲盡信之則
不敢欲盡疑之則不忍大夫鑑空衡平冰心鐵面予奪所加

安義縣志

卷之首

舊序

三

若燭照數計而龜卜者是書也直奉之信史可矣吾鄉王弇
州有曰子長不絕也其書絕矣卽千古而有子長亦不能成
史記予則曰夫子往矣其書未絕也後千古而學夫子亦可
以作春秋蓋弇州所言春秋之事辭也予所言者史之道德
也經以道德緯以事辭雖尼山龍門而成千百世未有之書
者其在斯乎其在斯乎思深哉陳大夫之爲此志也已

志之修也昉於風俗通繼之承祚以逸才而志三國又繼之孟宣化典博而志齊諧亦各有義焉存乎其間非特文辭爾雅取快翰墨之勲蹟已也其義維何蓋古者方國之屬誦上之天子太史釐正之被於管絃其一時可歌可泣足法足傳之事無不心焉志之夫心焉志之而不忘是以謂之志抑心焉志之不忘而有辭則又謂之誌也歲癸丑今上十二載太平之書凡十上詔下郡縣纂大一統志吾邑之人士文采從不讓京國詎後他屬余時以滇司馬左官黔中撫軍濬餘曹公命董是役焉爲修志總裁官而以都勻陳子壽鶴清平奚

安義縣志

卷之首

舊序

四

子斯善副焉其於志也已不啻青衫再溼班管重投矣書未竣乃忽奉復官之旨十有四載於今方過里門同譜劉子秀升及友人周子讓灘陳子予璞王子紳士惠顧時袖全帙相示披之則邑志也其卷十其旨數千其文成數萬其事之可歌可泣足法足傳者莫非取諸心焉之志與志焉不忘之辭洵洋洋大風哉友人俾余弁言其次嗟乎余之潦倒於宦途坎壈於文場者屢矣烏能敘然是役也甫兩閱月而削草又兩閱月而書成臯敏馬精以視彼擱筆十年練思一紀又何如也其時則大父母邑侯陳公司材館學師綜名實二尹孫公邑尉喬公共襄厥事例得並書於以上之天子而被管

絃天下雖大不能隣隣媵余也吳人之嗜吳吟樂操土風其
天性乎又烏能無叙於是乎叙

安義縣志

卷之首

舊序

五

安義縣志序

明進士商陶尚德人

余康郡先蒞三邑自正德丁丑中丞孫公燧議奏以建昌五鄉分立安義縣於茲四十三年未有志以故圖籍界限漫然與建昌交互莫從區別安義尹高君筮至遂以爲慮三載應朝言旋慨然以爲已任乃謀諸邑之耆舊諸學博及庠士蒐剔一統志省志郡志之所記載諸士大夫之口碑與先正之黨裔得若干卷釐爲二冊請予爲序予不文辭弗獲已乃僭爲之序曰夫志民之經也政之紀也志之弗備經紊而紀蠹矣其如治何是以善爲治者必先挈其領要使民經政紀昭然如日中天其於治也庶幾矣安義爲吾康梓里但地僻遠

多逋賦蒞茲土者因循補綴孰有注意於是者耶惟高君不忍其積久弊滋謂縣之有志猶國之有史所不可缺焉者也故不費里甲自捐俸資遂成茲帙條理秩然於地理而沿革已悉於職官而政教已彰於建置而署舍已別於貢賦而征役已均於祠祀而鬼神以享於學校而師儒已序於考選而俊民用彰於人物而顯晦自著於方外而技藝悉呈南疆北域與昔之混襍而無紀者詎不霄壤已乎且吾康先賢周朱過化之地而安義距康郡二百餘里於先賢之流風餘韻尤爲切近者也况茲縣上接兩京下近闕廡昔爲僻壤今爲通衢聞見日廣禮讓日敦民風土俗蒸蒸向義未必不因先賢

之遺澤而振起之者予讀其志因以化民成俗之意告之高
君名揚字賓之明進士南厓高公鵬之冢嗣楚之聞人學蔚
政良取重當道併紀之

時

嘉靖二十八年己未歲八月 之吉

安義縣志

卷之首

舊序

七

安義志序

明知縣高 賜

夫輿圖之有志昉於禹貢周職方然特紀其槩至秦郡縣天下歷代相沿始各爲志美惡並錄以昭勸懲延及我太祖登極之洪武十一年戊子下詔郡縣纂修志書永樂戊戌景泰甲戌嘗遣使督程之天順間命官巡行採輯始萃成編是志之當成蓋時王之制不可廢也安義舊隸建昌至正德丁丑年巡撫孫公燧副使宗公璽奏割五鄉分爲一邑迄今四十年矣中間履歷變遷之故如牛毛繭絲卒未有登記者以至後之任是邑者茫無所據但率意行之多與故典違戾而民亦瞽瞍然莫知所之祇憑文移爲指南耳余至三載始窺

安義縣志

卷之首

舊序

八

顛末萬分之一乃搜舊牒見斷簡中云督學憲副周公曾委司訓陳士瑞督同舊時生員黃昌宗張燿翔稿一次而未就緒余始按其大畧而謀諸學博王君應春陳君原宋君傑暨舉人周君希貴邦輔庠生熊子祥周子廷詔龔子高張子啟忠等十餘人大爲咨誦爰集於青雲樓各爲蒐輯草草成帙屬序簡末予因言曰夫志本載一邑之典故將以信今而傳後者也惡容以苟且爲哉使其各騁已見恣意盈縮其失也則私抑且巧爲妬忌而曲加褒貶其失也則誣誣且私其爲志之咎也多矣雖欲梓之詎不加災於木耶是集也予亦虛心秉虔采之民風稽之載籍而後酌之輿論曰可曰否一本